

К ОПУБЛИКОВАНИЮ

КОМИ РЕСПУБЛИКАЛӦН

ОЛАНПАС

«Коми Республикаын административнӧй кывкутӧм йылысь» Коми Республикаса Оланпаслӧн 6 статьяӧ вежсьӧм пыртӧм йылысь

Примитӧма Коми Республикаса

Каналан Сӧветӧн

2021 вося лӧддза-номъя тӧлысь 24 лунӧ

1 статья. Пыртны «Коми Республикаын административнӧй кывкутӧм йылысь» Коми Республикаса Оланпаслӧн 6 статьяӧ (Коми Республикаса канму власьт органьяслӧн индӧд-тшӧктӧмьяс, 2004, 5 №, 3171 ст.; 2005, 3 №, 3771 ст.; 12 №, 4117 ст.; 2006, 2 №, 4218 ст.; 11 №, 4612 ст.; 12 №, 4636 ст.; 2007, 2 №, 4708 ст.; 6 №, 4848 ст.; 10 №, 5029 ст.; 11 №, 5145 ст.; 2008, 9 №, 425 ст.; 12 №, 728 ст.; 2009, 33 №, 615 ст.; 41 №, 779 ст.; 2010, 10 №, 199 ст.; 17 №, 383 ст.; 24 №, 566 ст.; 579 ст.; 37 №, 849 ст.; 2011, 23 №, 590 ст.; 594 ст.; 37 №, 979 ст.; 48 №, 1366 ст.; 1370 ст.; 2012, 7 №, 168 ст.; 34 №, 791 ст.; 2013, 32 №, 591 ст.; 2014, 8 №, 98 ст.; 13 №, 201 ст.; 202 ст.; 18 №, 338 ст.; 27 №, 524 ст.; 29 №, 573 ст.; 35 №, 726 ст.; 2015, 11 №, 134 ст.; 21 №, 277 ст.; 23 №, 331 ст.; 2016, 1 №, 7 ст.; 12 №, 144 ст.; 17 №, 225 ст.; 18 №, 259 ст.; 2017, 5 №, 85 ст.; 13 №, 223 ст.; 24 №, 416 ст.; 2018, 6 №, 97 ст.; 17 №, 303 ст.; 304 ст.; 18 №, 318 ст.; 2019, 7 №, 87 ст.; 18 №, 264 ст.) татшӧм вежсьӧм:

содтыны татшӧм сюрӧса 24 юкӧн:

«24. Пемӧсьяслӧн кӧзяиньясӧн тайӧ пемӧсьяссӧ ӧтув вӧдитчан мутасьясӧ, кытчӧ татшӧм мутасьясӧн вӧдитчан пӧрадок серти, кутшӧмӧс урчитӧма муниципальнӧй юкӧнлысь мутас бурмӧдан правилӧясӧн, найӧс лӧдзны оз позь, лӧдзӧмысь ӧлӧдӧны либӧ перйӧны административнӧй штрап:

гражданалы öти сюрссиянь куим сюрс шайтöдз мындаын;
чина йöзлы – куим сюрссиянь дас сюрс шайтöдз;
юридическöй кывкутысьяслы – дас сюрссиянь ветымын сюрс шайтöдз.

Тайö юкöнын индöм вöчöмторъясысь, кутшöмъясöс вöчöма найöс вöчöмысь административнöй мыж вештöм помалан лунсянь во чöжөн выльысь, перйöны административнöй штрап:

гражданалы куим сюрссиянь вит сюрс шайтöдз мындаын;
чина йöзлы – дас сюрссиянь комын сюрс шайтöдз;
юридическöй кывкутысьяслы – ветымын сюрссиянь сё сюрс шайтöдз.

Пасйöд. Тайö юкөнлөн могъяс вылö:

1) пемöсьяс улын гөгöрвосьöны öшьяс, мöсьяс, кöзаяс, ыжьяс, порсьяс, вöвьяс, межъяс, осельяс, верблюдыяс, кöръяс, дзодзöгъяс, индейкаяс, курöгъяс, уткаяс;

2) Россия Федерацияса кар стрöитан кодекслөн 1 статьяса 12 пункт серти öтув вöдитчан мутасьяс улын гөгöрвосьöны мутасьяс, кутшöмъясөн мытшöдтöг вöдитчöны урчиттöм лыда йöз (сы лыдын изэрдъяс, уличаяс, пурясьяс, набережнöйяс, öтув вöдитчан ва объектъяслөн берег визъяс, скверъяс, бульваръяс), мутасьяс кындзи, кытчö пемöсьясöс оз позь лэдзны либö найöс лэдзöмсö дзескöдöма федеральнöй оланпастэчасөн.».

2 статья. Тайö Оланпасыс вынсялö сийöс официальнöя йöзöдöм бöрын дас лун кольöм мысти.

Коми Республикаса Юралысь

В.В. Уйба

Сыктывкар

2021 вося сора тöлысь 1 лун

64-РЗ №